

## Universitätsbibliothek Paderborn

### **Mirabilis Vita Venerabilis Virginis Marinæ De Escobar Vallisoletanæ**

Deprompta ex ijs, quæ ipsamet jussu Patrum suorum Spiritualium  
consignavit

Vitæ Venerabilis Virginis Marinæ De Escobar. Pars Prima

**Puente, Luis de la**

**Pragæ, 1672**

Caput 5. De propensione, quam semper retinuit, ad ordinarium modum  
meditandi divina mysteria, donec elevaretur, ad illa contemplanda, modo  
extraordinario; ac de dulcissimis colloquijs; nec non de eo, ...

**urn:nbn:de:hbz:466:1-38580**

## CAPUT V.

Depropensione, quam semper retinuit, ad ordinatum modum meditandi divina mysteria, donec elevaretur, ad illa contemplanda, modo extraordinario; ac de dulcissimis colloquijs; nec non de eo, quod ipsi contigit cum Christo Domino, & ejus

Sanctissima Matre.

**D**ubius causis attribuebat Marina viam extrodinariam, quā ducebatur: in qua manifestavit suam profundam humilitatem; videlicet in primis immensa Bonitati & misericordiae DEI, qui dignatus fuerit libenter ostendere in sua creatura copiosissimos thesauros sue gratie; ac tum sua extreme miserie & imbecillitate, indigenti subsidijs adeò inusitatibus, nè obrueretur suis malis, sed procederet firmiter & propere per semitam virtutum, quemadmodum ipsa rem expendit, & sic descripsit:

Milertus est mei Pater Misericordiarū, ex sua infinita bonitate, & cognoscens meam imbecillitatem, ac indigentiam, nec non viam, qualis meq; anima magis conveniret, ingressus est in illam, quasi tacite, ita ut vix audiretur, communicando illi suaviter & blandè suum Divinum amorem, suāmq; Divinam dulcedinem, & illuminando eam suā luce, ut ita illustrata & corupta eo Divino igne, denuò securè & fortiter iniret viam, à qua recesserat, quāmq; ipsa tantopere timuerat. Statim autem, ac Divina Majestas illam sibi subjecerat, et si non coactam, sed promptissimè se ipsi offerentem, occupavit ipsam, fixitque in ea suam sedem, totāque possedit. Incepit tum subito, Divinus iste Rex, & Sponsor dulcissimus animarum, colloqui ac agere, & conversari, idque ex sola sua bonitate, & altissimis ac incomprehensibilibus judicijs, cum sua paupere ancilla, quæ nunquam aliquid simile experta fuerat; neq; parum mirata est, agnoscens se indignam tali honore, & communicatione: cūmq; se videret totam miserabilem ac pauperiam, vix animum inducebat, ad tale quid credendum, nec poterat intelligere ejus-

modi magnalia, vel illa apprehendere; & propterea clamans ac tremens instar ancillæ, cui Rex ipsius ac Dominus tales exhibuisset honorem, quēcumque sibi esse exhibutum, vix propter suam vilitatem posset credere, dicebat illi: Mi DEUS, mi Rex, bonum meum, numquid me fortè non novisti? an ignoras, quacum tibi sit negotium? Dic, mi Domine, utrum forsitan propter ardentem amorem, quo amas tuas creature, non videas ignobilitatem, ac vilitatem tue ancille, que non solùm non meretur tales honores & gratias, sed potius digna est gravibus penitibus ac supplicijs. Has voces & clamores continuo iterabat miserabilis creatura coram suo dilecto Domino; sed infinita ipsius sapientia ac Bonitas, non magni faciendo istas vociferationes, quō minus faceret, quod mihi sciebat convenire, illis neglectis, jubebat me silere, & solabatur me, proponendo mihi suas rationes, plena infinita suā bonitate ac sapientiā, quibus me convincebat, ac subjiciebat suā Divina voluntati, conabaturque promovere suam sanctissimam intentionem, peragendo in ista miserabilis creatura opera deinceps referenda, quæ fuerunt talia, ut, si ex ijs scivissem proficere, pervenissem ad sublimissimum perfectionis gradum. Quia quando DEUS dignatur ducere hanc viam animam, progreditur quām facilimè, & propter abundantiam donorum gratiæ, quæ ipsi intrā unam horam communicauntur, potest confidere ingentia itinera, quæ non possit tam velociter ordinari emetri, nec tanto cum fructu is, qui taliter non duceretur. Verumtamen, quia sicut omnibus, debilibus aequè, ac fortibus, non dantur ijdem cibi, neque eadem medicina, eò quod hoc fieret cum eorum nocumento, & periculo, ita non expedit omnibus

bus animabus, incedere viâ extraordina-riâ, sed nec etiam ordinariâ: verum, quod omnibus congruit, est via & modus, quem DEUS noster ac Pater amantissimus nobis constituit, & communicat, pro infinita Sapientia ac Divino amore, quo nos esse oportet contentos: nostrum quoq; est, diligenter nos præparare, pro obtainendis majoribus gratijs, ad ejus gloriam, si ipsi placuerit.

## §. I.

**I**TÀ Marina de Escobar loquitur ex occasione duplicitis viâ omisionis mentalis, quâ ipsam DEUS duxit, promovendo illam ab una ad alterum. Prima viâ fuit ordinaria, communis ac trita, dum meditaretur & contemplaretur mysteria nostre fidei, excitando in se ferventes affectus, obsecrations, & colloquia cum DEO: qui est ordinarius onus modus, usurpatûrg, ac docetur in Societate JESU; quem modum observavit multis annis, non absque peculiari DEI gmtia, quam habuit totâ vitâ, ut non distinxeretur in omitione, ad quidquam diversum, ab eo, quod agebat, quamvis in illa tribus horis continuis perseveraret; multò verò magis, quando ipsam elevavit, ad modum extraordinarium orationis, in qua illam Dominus DEUS, absque intencionibus, celesti lumine illustrabat, & ei revelabat Divina mysteria; unde siebat, ut presentem semper haberet DEUM, esseq; adeo dependens ab hoc summo Bono, & cum ipso unita, ut non diverteret ad alia: und' factum est, ut dixerit, se magis vivere cum DEO, quam secum, seque habere corpus in hoc exilio, instar aselli, haustrum, seu rotam aquariam, calcantis, cui eruntur oculi, ut non videat, ubinam ambulet. Alias verò mihi dicebat, se vivere, quasi duplice vitâ, unâ humana, conversando cum domesticis, ac alijs, qui ipsam alloquebantur; & alterâ superiore, ac si degeneret in altero mundo, conversando cum DEO, & Angelis ipsis, ac Aulicis cœlestibus. Atque, cum ejus oratio esset tam continua, invitabatur ab illa DEUS, ut ipsam frequenter extraordinario modo visitaret. Quia verò Marina, propter suam timiditatem, & obtendendo indignitatem, refugie-

bat istas visitationes, dixit illi Divina Majestas quodam die: Ecce, quot horis tu coram me perseveras; ergo sim ego tam austerus, & morosus, ut non convertam ad te oculos? Nihilominus et si hâc viâ incederet, ducta à suo DEO, desiderabat, quantum em in ipsa, insistere viâ ordinarie, ac trite, que est securior, & libem à magnis periculis ac fraudibus, que reperiuntur in altero: & quoad hoc ipsi acciderunt aliqua nota- tu digna ac proficia, que illa ipsa sic narrat.

## §. II.

**S**CIVI, peragi ab hominibus Societatis quotannis exercitia spiritualia more conuento, per octo, vel decem dies; habuique etiam desiderium ijs vacandi, ut ilud tempus impenderem meditandæ vitæ Christi Domini. Approbavit id meus Confessarius, sic tamen, ut propter meam debilem valetudinem moderareretur tempus orationis. Cum illa inchoavisset, vidi venientem Sanctum quandam Angelum, magnâ prædictum majestate, quem non novi, nam illum nunquam videram; & quia sciebam, me esse indignum, ut Angelus tanta potentia me visitaret, verecundabar, vixque ipsum audebam aspicere. Quod ille videns dixit mihi: Ego sum Archangelus Gabriel, & venio, ut tibi adferam quoddâ nuntium à Beatissima Virgine, Domina nostra. Valde obstupui, & expavi, dixique ipsi: Sancte Angele, rogo te, ut me prius permittas aliquandiu de re tanti momenti agere cum DEO. Respondit, se esse contentissimum, atque itâ ipsum reliqui, quasi non adesset, mēque contulit ad DEUM, & intimè commota, ac metuens acceptare tantam gratiam, dixi illi: Domine mi ac DEUS mi! qualia sunt ista tua tam admiranda & magna opera, quæ facis, ac vis facere in ista misera- bili, & indigna creatura? Vide humilitatem meam & vilitatem, ac miserere mei, fiatque in me omni modo, & in rebus omnibus tua sancta voluntas, ac ejice ex anima mea omnia, quæ illi non sunt conformia. Respondit Divina Majestas: Be- ne dicis; audi, quæ tibi dicentur. Tum fui

fui coacta me convertere ad sanctum Angelum, & prostrata ad ipsius pedes, quam reverentissimè audivi ipsius nuntiū, quod erat hujusmodi: Sacratissima Virgo Domina nostra dicit, gratum sibi fore, si exequuta fueris, quod cogitavisti, visitaverisque sanctam ipsius domum Monasterij, quod ab ipsa nomen habet, Monialium Sancti Dominici. (*Est autē illud, quod Vallisoleri vocatur Matri DEI, ubi erant nonnullæ Moniales, que cupiebant ipsius allogrium.*) Ad quod, cùm mihi non videtur esse quidquam grave, respondi, me id libenter facturam, quamvis parvum, vel nihil alijs prodessem. Deinde mihi Angelus dixit: potissimum sui adventus causa esse, ut mihi nomine illius Magnæ Dominae diceret: placitura plurimū Exercitia, quæ constitueram peragere, si, quod proposueram exequerer, exercendo intellectū; gratissimāque illi futuras meditationes de perfectionibus Divinis, & sanctissima Vita ac Morte Christi Domini, & infinitis bonis, quæ per eundem Dominum nobis fuerunt præstata: significare enim ipsam mihi, se esse, ac fuisse, quasi Patronam & Fundatricem illorum sanctorum Exercitiorū Societatis, sc̄q; etiam fuisse Auxiliatricem ac tanquam Magistrum Sancti Patris Ignatij, ut taliter fierent; & istud opus inchoatum esse in Societate, atque etiam se, tempore & annis vita suæ, fuisse continuè his sanctis Exercitijs occupatam.

*Hac revelatio fuit facta isti Famule DEI, ad approbandum & collaudandum communem omni modum, adhibitis meditationibus, non tam, ut ipsa semper ei insisteret, quam, ut illum doceret alios, ac permoveret ad eidem insistendum, quamdui illis DEUS non communicaret alterum sublimorem, quemadmodum ipsi communicavit: atq; in hanc rem addidit, quod illi cum Divina Majestate accidit hunc in modum.*

### §. III.

**A**ppropinquante, inquit, Solennitate Natalis Dominici, vehementer desiderabam, ut DEUS modicum instrueret meum intellectum, ad ruminandum &

meditandum aliquid de altissimo Mysterio Incarnati Verbi Divini, & Adventu ipsius in mundum, eò quod me DivinaMajestas ad id, pro sua Misericordia & Sapientia, multis diebus alia viā duceret, conferendo videlicet meæ animæ peculiare, lumen, ad cognoscendas ipsius veritates, ac Mysteria, & per illud, ipsam inclinando & movendo ardenter desiderijs, exequendi Divinā ejus Voluntatem, nec non inflammando magno sui amore. Quod quanto fit amplius, tanto minus speculatōnis habet intellectus, qui tunc esse videatur sopus ad meditandum. Ego igitur optabam laborare, & humiliare tantisper intellectum ad considerationem istorum altissimorum mysteriorum, nē semper anima panem gratis comederet, cibante illam assidue DEO, suis expensis, & apponente ipsi continuè quæcunque habet domi suæ. Placuit Divinæ Majestati satisfacere huic desiderio, & uno altero die, mihi dedit animum, instituendi prolixum discursum, ac meditationem de hoc sublimi Mysterio, cum magno animæ meæ folio, illuminando me, ut intelligerem ingentia bona, quæ nobis suo in mundum Adventu contulit, & magna mala, ex quibus nos liberavit, quāmq; ille conveniens fuerit medium ad hæc omnia. Postquam aliquandiu fuissem immorata isti considerationi, dixit mihi DEUS: Sufficit, nē ultrà progrediari: & pro sua sublimissima Sapientia, dixit mihi quædam verba, propter quæ mea anima amore ipsius exarsit. In eo, ajebat, quod facis, te geris, sicut qui parat cibum, ut illum postea comedat, vel sicut is, qui disponit domum & hospitium, pro excipiendo illo, cuius ad se adventum vehementer exoptat: verū si ei, qui operose cibum præparat, offeratur ab alio præparatus, & proponatur in mensa, non est opus, ut se magnopere ejus præparatio ne occupet; atque si alter dispositam semper habeat pro amico domum, etiam non habet multum, quod paret, instantे ipsius adventu, sed tantum restat, ut fruarur illius præsentia: ita, cùm tibi apponatur cibis animæ præparatus, ut illum sumas, habæsque domum pro hospite adaptatam,

non

non est cur tantopere labores, sed ut vesca-  
ris eo, quod tibi datur, & fruaris gratiâ,  
quâm tibi præstat Dominus, qui venit ad  
tuam Domum. Auditis his Domini ver-  
bis, plenis sublimissimâ sapientiâ, fuit ani-  
ma mea repleta singulari ejusdem amore.  
Aliâ vice tenebar eodem desiderio, médi-  
tandi hæc Mysteria, & Confessarius mihi  
dicebat ea, quæ me ad id faciendum incli-  
nabant: sed ultra duas horas non potui  
quidquam meditari de Mysterio Nativi-  
tatis Dominicæ, neque etiam ullo modo, vel  
uno verbo, alloqui DE U M: inter quas  
anxietates rogabam Divinam Majestat , ut  
me adjuvaret, illuminaretque meum.  
Confessarium, ad me instruendam ac  
ducendam c  vi , quæ esset conformior ipsius  
voluntati. Tunc mihi respondit Domi-  
nus: C m semper sis mecum, & in mea  
verseris pr sentia, quid ultr  queris? N n-  
ne in me sunt omnia Vit  me , Passionis  
& Mortis Mysteria? Dic age, quid qu ras  
amplius?

*Ex eo, quod Dominus dixit isti sue famu-  
lae, colligitur, it  differre orationem discursi-  
vam & affectusam, ab ea, quam DEUS in-  
fundit, sicut differunt, invitare ad mensam,  
& invitari; excipere hospitio, & excipi:  
quia prius constat nostro labore & sollicitudine;  
posterior autem magis est acceptare id,  
quod nobis datur, quâm aliquid facere, &  
laborem. Quemlibet ver  oportet insservere  
ill  via, qu  DEUS ipsum duxerit, it  ut,  
quantum est in eo, propendeat ad triatum &  
securiorem. Modi mirabilis, quibus illam-  
DEUS in oratione edocuit, de omnibus Mys-  
teriis nostris Sancte Fidei Catholice, referen-  
tur ordine in libro secundo ac tertio, ut pos-  
sint & nobis pro nostro captu subministrare  
materiam meditationis.*

## §. IV.

**V**er m, n  ullus decipiatur, cogitando  
istum sublimem orationis modum, con-  
sideret tantum in acceptando, & non in agen-  
do, intelligat, qu d hec DEI famula con-  
sueverit suscipere Divinam illustrationem,  
& preventa a gratia sponte applicare, ad  
instituenda ferventissima colloquia, petitio-

nes, ac orationes, subinde etiam vocales, pro-  
venientes ex ardenti oratione mentali, cuius  
erunt affectus & fructus: atque hac ratione,  
solita fuerit magnam su  orationis partem  
exigere, non absque c lesti quadam harmo-  
nia, & fervore, quemadmodum apparebit  
ex eo, quod ipsam et taliter refert:

Quando tam ardenta habeo desideria  
placendi DEO, more meo, non possum  
non alloqui Christum Dominum, quem  
mihi ibi videor habere vicinum, & dico  
ipsi: Mi Domine, qu m diu differt Tua  
Majestas, dare mihi tantillum humilitatis,  
& alias virtutes, quas ab ea peto pro me, &  
alijs. Eja tandem Dilecte mi, relpice istam  
creaturam tuam, qu  pr  tui fame & siti  
emoritur. Dilecte mi, doce me facere vo-  
luntatem tuam! qu d si, ut hoc mihi des-  
vis & me tibi aliquid dare, non habeo,  
quod dem, ut tibi sit gratum. Ver m vi-  
des h c meam animam, meum cor, ac  
meam vit m, & hoc miserabile corpus, ut  
de omnibus disponas, pro tua voluntate:  
quidquid enim feceris, id ego benefactum  
existimabo, modo veluria hor  exequar  
tu m beneplacitum.

Ali  illi dixi: Dilecte, ac Domine mi,  
usque, qu d tua Misericordia cogitat meam  
animam suspendere, ut tantopere ad te  
anhelet, t que desideret? Ecce, ô Salus  
& Bonum in te sperantium, jam non pos-  
sum amplius expectare, quia elabuntur  
dies vit  me , & non video impleta mea  
desideria. Quamvis autem culpa sit mea,  
eo qu d me non disponam ad obtinend   
id, quod mihi libenter dares, si me dispo-  
nerem; est tamen etiam verum, qu d  
major sit tua Potentia, qu m mea miseria,  
ac fragilitas; qu dq; possis me salvare ac  
resuscitare, quamvis sim mortua; quia  
non est quidquam insolitum tu  Bonitati  
ac Potentiae operari talia, qu e operaris  
quotidie: ac proinde, Bonum meum, non  
est cur ultr  expectes, quia adespera cit,  
& advenit nox; neque cogito desistere a  
petendo, quoad usque mei miserear, &  
d sque mihi tuam benedictionem, & vi-  
tam ac mortem tibi plurimum placen-  
tem, cor novum & humile, atque accom-  
modatissimum tuo genio, & beneplacito.

E

Alio

Alio die, dum considerarem Filium, DEI ad dexteram Patris, humanâ vestitum naturâ, ab eo assumptâ, ingens fuit meæ animæ lætitia, & conversa ad Spiritus Angelicos, dixi illis, ut aspicerent ibi Redemptorem nostrum, & viderent, assumptitne fortè ipsorum naturam, an nostram? & utrum descenderit ex sinu sui æterni Patris in uterum Sanctissimæ Matris, vixeritq; triginta ac tribus annis inter homines, sustinendo tantos labores, persecutions, & mortem Crucis, pro ipsis, an pro me? Abreptâ cùm suavitate, quam experbar in istis considerationibus, destituebar quasi sensibus, donec paulò post sentirem fatigatum caput. Tunc me converti ad solitum meum modum agendi cum Christo Domino nostro, DEO vero ac Homine, considerando ipsum illic praesentem, & coepi alloqui Divinam ejusdem Majestatem, dicendo illi: Dilecte mi, & mi Domine, ego eram surda & attollebam vocē, ut me exaudires; eram cæca, & invocabam te, ut me illuminares; eram tota leprosa, & clamabam ad te, ut me sanares; tu verò Bonum meum, fingebas te surdum, quasi non audires: eram tibi importuna, & tu tacebas. Sed jam, Domine, te aliquantulum novi, quia mihi dedisti tantillum luminis, & vis à me cognosci viscera misericordiæ tuæ, ut mihi bene fa-

cias, liberésque me ab hostibus meis. In his, & alijs, mihi DEUS manifestabat suam magnam bonitatem, ut illam ponderando consternarer, & sentirem, me deficit viribus. Interea Dominus modicum recedebat, & paulò postiterum percipiebam idem Divinum lumen; multumque confidebam in ipsius misericordia, quâ mihi esset indicaturus viam suæ voluntatis: quod ego adeo exopto. Advertebam præsentem DEUM, ita ut mihi nunquam viderer desistere ab ipso, his corporeis oculis, intuendo, & sentiebam novum quoddam desiderium, videndi hoc Bonum, & hunc Dominum meum, neq; tamen id audebam ab ipso petere, præterquam, ut mihi daret humilitatem, & faceret mecum, quod veller: cùm namq; ipse voluerit ostendere suam magnificentiam in tam vili & abjecta creatura, quâ sum ego, ad suam gloriam; non decebat, ut imperarem in aliena domo, sed gererem me humiliter, & peterem illius gratiam.

Hec & alia hujusmodi colloquia, quasi semper in principio omisionis instituebat, in star olla bullientis, & egerentis per os aquam, que in ea continetur. Hujus generis adferemus multa in capite septimo & sequentibus, in quibus est videre multos discursus, absque discursu; & multas meditationes, absque meditacione.

## C A P U T VI.

**Qualiter illam DEVS simul duxerit per viam patientiae, ut toleraret turbationes ac afflictiones. Et de modo, quo eam exercuerit internis crucibus, in ipsius initiji.**

**S**umma via, quâ DEUS duxit Venerabilem Virginem Marinam, excellentiâ fuit cùm, quod extraordinarij ipsius favores ac solatia, hactenus insinuata fuerint permixta extraordinarijs crucibus & afflictionibus internis: cùd prius illud absq; hoc altero non esset solidum, nec perfectum; posteriori autem absque primo non esset in hac vita mortali tolerabile: ac propterea cùm

Sapiens dixisset, quod offenserit DEUS Iustus Jacob suum Regnum in scala, de qua fuit sermo, addidit, quod ipsum honestaverit laboribus, dederitq; illi certamen forte, ut vinceret, disceretque experientiâ omnium patientiorem esse Sapientiam; siquidem magna solatia in omniione dantur, ad animos tolerandas magnas afflictiones. Hoc ipsum Dominus dixit isti sua famule in ejus principijs, quod illa narrat hunc in modum: Dum confexsem Beatissimam Virginem